



Broj: 01-16-4-526-7/15
Sarajevo, 23.04.2015. godine

19-05-2015

Dono

Ministrica za ljudska prava i izbjeglice BiH, na osnovu člana 55. Zakona o upravi („Službeni glasnik BiH,“ broj: 32/02 i 102/09), člana 64. stav (1) tačka b), člana 68. stav (1) i (4) tačka i) i člana 70. stav (1), (3) i (6) Zakona o javnim nabavkama („Službeni glasnik BiH,“ broj: 39/14) i Preporuke Komisije za nabavke, broj: 01-16-4-526-7/15, od 22.04.2015. godine, donosi sljedeću:

ODLUKU

o izboru najpovoljnijeg ponuđača za usluge servisiranja vozila

I

Prihvata se Preporuka Komisije za nabavke, broj: 01-16-4-526-7/15, od 22.04.2015. godine da se ponuđač **Jelić auto d.o.o. Mostar**, jedini na rang listi prihvatljivih ponuda, izabere za najpovoljnijeg ponuđača za usluge servisiranja vozila.

Dodjeljuje se Okvirni sporazum o pružanju usluga servisiranja vozila izabranom ponuđaču Jelić auto d.o.o. Mostar, ponuda broj: 06/15, za ponuđenu cijenu od 41.859,03 KM bez PDV-a.

II

Okvirni sporazum o pružanju usluga servisiranja vozila će se dostaviti na potpis izabranom ponuđaču po isteku roka od 10 (deset) dana od dana dostavljanja obavještenja o izboru najpovoljnije ponude svim učesnicima postupka nabavke. Okvirni sporazum će se zaključiti na period od 12 (dvanaest) mjeseci i do vrijednosne realizacije.

Uvidom u dostavljenu ponudu, utvrđeno je da je izabrani ponuđač dostavio sve dokaze o kvalificiranosti, tražene tenderskom dokumentacijom.

III

Kvalificirani ponuđač neće sklapati podugovor ni o jednom bitnom dijelu ugovora bez prethodnog pismenog odobrenja Ministarstva za ljudska prava i izbjeglice BiH (u daljem tekstu: Ministarstvo).

Nakon što Ministarstvo odobri podugovaranje, kvalificirani ponuđač je dužan, u skladu sa članom 73. stav (4) Zakona o javnim nabavkama, prije početka realizacije podgovora dostaviti ugovornom organu podgovor zaključen s podgovaračem, kao osnov za neposredno plaćanje podgovaraču.

U slučaju da izabrani ponuđač propusti pribaviti pismeno odobrenje Ministarstva za sklapanje podgovora, Odluka o izboru najpovoljnijeg ponuđača će se ukinuti.

IV

Za izvršenje ove odluke se ovlašćuje i zadužuje Odsjek za opće i pravne poslove i Odsjek za finansijsko-materijalne poslove Ministarstva za ljudska prava i izbjeglice BiH.

V

U skladu sa članom 70. stav (6) Zakona o javnim nabavkama, ova odluka će se objaviti na web stranici Ministarstva, www.mhrr.gov.ba i istovremeno uputiti svim ponuđačima koji su učestvovali u postupku javne nabavke.

VI

Ova Odluka stupa na snagu danom donošenja i ista će se, u skladu sa članom 71. stav (2) Zakona o javnim nabavkama, uz zapisnik o ocjeni ponuda i obavještenje o rezultatima postupka, dostaviti svim ponuđačima koji su učestvovali u postupku javne nabavke.

Obrazloženje

Postupak javne nabavke za usluge servisiranja vozila je pokrenut Odlukom o pokretanju postupka nabavke usluga servisiranja vozila, broj: 01-16-4-526/15 od 03.03.2015. godine. Javna nabavka je provedena putem konkurentskog zahtjeva za dostavu ponuda, a procijenjena vrijednost nabavke je iznosila 42.735,05 KM bez PDV-a. Obavijest o nabavci, broj: 679-7-2-3-3-3/15 objavljena je dana 18.03.2015. godine na Portalu javnih nabavki.

Konkurentski zahtjev za dostavu ponuda za usluge servisiranja vozila je prosljeđen sljedećim ponuđačima: ASA PVA d.o.o. Sarajevo, Jelić auto d.o.o. Mostar i Autocentar Školjić d.o.o. Tešanj, dok su tendersku dokumentaciju preuzeli sljedeći ponuđači: Autodelta d.o.o. Sarajevo, Remex d.o.o. Tuzla, Bos Mont d.o.o. Sarajevo i Unitrade d.o.o. Ljubuški,

Komisija za nabavke, imenovana Odlukom o imenovanju, broj: 01-16-4-617/15, od 11.03.2015. godine, dostavila je dana 22.04.2015. godine Zapisnik o pregledu i ocjeni ponuda, broj: 05-16-4-526-6/15 i Preporuku o izboru najpovoljnijeg ponuđača, broj: 01-16-4-526-7/15, u postupku javne nabavke za pružanje usluga servisiranja vozila.

Na osnovu naprijed navedenog, utvrđeno je da je Komisija za nabavke blagovremeno i pravilno izvršila otvaranje ponuda i ocjenu dospjelih ponuda, o čemu je sačinila zapisnike, uvidom u koje je utvrđeno sljedeće:

- da je ukupan broj pristiglih ponuda 1 (jedna),
- da je blagovremeno zaprimljena 1 (jedna) ponuda,
- da nije bilo neblagovremeno zaprimljenih ponuda,
- da je ponuda Jelić auto d.o.o. Mostar jedina na rang listi prihvatljivih ponuda.

Komisija za nabavke je u postupku razmatranja prihvatljivih ponuda, izvršila ocjenjivanje i rangiranje istih na osnovu kriterija najpovoljnije cijene, kako slijedi:

1. Jelić auto d.o.o. Mostar 41.859,03 KM bez PDV-a.

Utvrđeno je da je pristigla samo jedna ponuda ponuđača Jelić auto d.o.o. Mostar u iznosu od 41.859,03 KM bez PDV-a i da je ista prihvatljiva.

Obzirom da je ponuđač u Obrascu izjave o podugovaranju- Aneks 9 izjavio da ima namjeru podugovaranja u iznosu od 30% ukupne cijene prihvaćene ponude, Komisija za nabavke je utvrdila da je potrebno uputiti zahtjev ponuđaču da dostavi spisak podugovarača. Zahtjev je upućen putem faksa i pošte dana 20.04.2015. godine, a rok za dostavu spiska podugovarača je bio tri (3) dana. Imenovani ponuđač je u ostavljenom roku, dana 21.04.2015. godine, dostavio spisak podugovarača, kako slijedi:

- ASA PVA d.o.o. Sarajevo, Bulevar Meše Selimovića 16, 71 000 Sarajevo,
- UNITRADE PJ Tuzla, Ul. Zvonke Cerića 19, 75 000 Tuzla,
- Servis Vidović d.o.o. Banja Luka, Ul. Prote Nikole Kostića bb, 78 000 Banjaluka.

U postupku donošenja ove Odluke, posebno su cijenjene činjenice da je Komisija pravilno i potpuno izvršila ocjenu kvalificiranosti i ponude ponuđača Jelić auto d.o.o. Mostar, a u skladu sa kriterijima iz tenderske dokumentacije.

U postupku ocjene provedenog postupka, ministrica za ljudska prava i izbjeglice BiH nije našla razloge, nepravilnosti, niti propuste u radu, koji bi eventualno bili osnov za neprihvatanje preporuke Komisije za nabavke.

S tim u vezi, utvrđeno je da je Komisija za nabavke u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Izabrani ponuđač Jelić auto d.o.o. Mostar je izabran primjenjujući kriterij „najniža cijena“.

U skladu sa naprijed navedenim, i primjenom člana člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

Uputa o pravnom lijeku:

Protiv ove Odluke se može izjaviti žalba Ministarstvu za ljudska prava i izbjeglice BiH u roku od 5 (pet) dana od dana prijema ove Odluke.



MINISTRICA

Semina Borovac
Semina Borovac

Dostaviti:

- Jelić auto d.o.o. Mostar,
- Odsjek za opće i pravne poslove,
- Odsjek za finansijsko-materijalne poslove,
- a/a.